



Lars Poulsen
Siumut sinnerlugu Inatsisartunut ilaasortaq

21-08-2024
Suliap normua 2024 - 15555
All. nr. 24457212

§ 37 naapertorlugu apeqqutip nr. 185/2024-p akineqarnera

Asasara Lars Poulsen

Postboks 1160
Oqarasuaat: 34 50 00
Fax: 34 55 05
3900 Nuuk
Mail: pn@nanog.gl
www.naalakkersuisut.gl

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uagutsinnit akisassanngorlugit innersuussutigineqartut qujassuteqarfigaagut. Apeqqutit issuarneqartarput tamatumalu kingorna akineqarlutik.

1) Nunarput tamakkerlugu kigutilerisutut atorfiit qassiuppat?

Akissut:

Peqqinnissaqarfimmi Nunatsinni Kigutigissaanermi kigutit nakorsaasa amerlassusissaat 32-upput.

a. Kigutigissuunissap naammaginanginneranut iluarsiniarnermi atorfiit naammappat?

Akissut:

Kigutigissaanermi sulisut amerlassusilerneqarnerat suliakkiunneqartunut naleqquttutut nalilerneqarput.

Kigutigissaaneq pillugu Namminersornerullutik Oqartussat nalunaarutaat nr. 15, 13. september 2006-imeersumi Nunatsinni kigutininik isumaginninnermut inatsisitigut tunngaviusutut atuuttuni § 3-mi meeqqat inuusuttullu salliutinneqarnissaat erseqqissarneqarpoq: Innuttaasut tamarmik aaqqissuussaasumik kigutigissaanermik neqerooruteqarfigineqarnissaannut naammattunik sulisussaqaqngippat aningaasassaqaqarfitsisoqaraniluunniit, meeqqanut inuusuttunullu aaqqissuussaasumik kigutigissaasarnissamik neqerooruteqarnissaq pingaartinneqassaaq.

§ 4-mi allassimavoq meeqqat tamarmik atuartinneqartussaasut ukiui inorlugit ukiullit aamma atuartinneqartussaasut ukiullit akeqanngitsumik aalajangersimasumik akuttussulimmik kigutileritinnissamut pisinnaatitaaffeqartut.

Nangilluni allassimavoq kigutileritinnissamut ilaasut:

1. Nalinginnaasumik pitsaaliuineq, tassunga ilaalluni qaammarsaaneq.
2. Meeqqanut ataasiakkaanut piffissaliinerit aalajangersimasut naapertorlugit kigutit, qarngup alleqqullu ineriartornerannik qanorlu peqqitsiginerannik misissuinerit.

3. Meeqqat ataasiakkaat pitsaaliortifigineqarneri, taakkunungalu kiisalu angajoqqaanut qaammarsaaneq ilanngullugu.
4. Kigutini, qanermi alleqqunilu nappaatinik katsorsaaneq.

§ 7-imi allassimavoq inuit allat najukkami tamatumunnga nukissaqartitsisoqassappat akeqanngitsumik kigutileritinnissamut neqeroorfigineqarsinnaasut. Kigutinu tunngaanut suliasaqarfimmi suliat annertusarneqarnissaat kissaatigineqarpat aningaasaqaarnikkut aamma sulisoqarnikkut isumalluutit amerlanerusut pisariaqartinneqassapput.

Kigutigissaanermi ineriartortitsinissamut pilersaarutit ineriartortinneqarnerat pillugu sukumiinerusumik paasisaqarniaruit apeqquup 4-p akissutaa aamma takuuk.

b. Atorfiit sumi inissisimappat?

Akissut:

Illoqarfinni tulluuttuni kigutit nakorsaannik atorfeqartitsisoqartarpoq: Qaanaaq, Upernavik, Ummannaq, Qeqertarsuaq, Ilulissat, Qasigiannuguit, Aasiaat, Sisimiut, Maniitsoq, Nuuk, Paamiut, Narsaq, Qaqortoq, Nanortalik aamma Tasiilaq.

Illoqarfinni tulluuttuni 6. Juni 2024-mi atorfiit inuttassarsiuunneqarput, Peqqinnissaqarfik ilisimatitsivoq:

- **Maniitsoq**
- **Tasiilaq**
- **Nanortalik**
- **Upernavik**
- **Aasiaat**

Piffissami sivikitsumi atorfeqartitsinerit aamma taartaasoqartarnera pissutigalugit sulisoqarniarnikkutpissutsit ataavartumik allanngorartarput.

c. Inoqarfinni ataasiakkaani kigutilerisutut atorfiit qassit aalajangersimasumik inuttaqarpat, qassillu taartaasunik inuttaqarpat?

Akissut:

Piffissami matumani kigutit nakorsaata aalajangersimasumik atorfillit arfineq-pingasuupput aamma kigutit nakorsaata piffissami sivikitsumi atorfeqartut aqqaneq-marluupput.

d. Illoqarfiit/nunaqarfiit sorliit kigutilerisutut atorfeqarfiunngillat?

Akissut:

Ittoqqortoormiini, Kangerlussuarmi, Kangaatsiami kigutit nakorsaannik atorfeqanngilaq. Nunaqarfinni kigutinu nakorsanut atorfeqanngilaq. Nunaqarfiit sapinngisamik ukiumut ataaseriarlutik kigutit nakorsaanit tikeraarneqartarput.

e. Illoqarfiit ataasiakkaat ullumikkut kigutilerisoqanngitsut, qanoq sivistigisumik aalajangersimasumik kigutilerisoqarsimannngillat?

Akissut:

Tamatuma naatsorsorneqarnissaa periarfissaanngilaq. Illoqarfiit aalajangersimasumik kigutit nakorsaqaanngitsut piffissami sivikitsumi atorfeqartunik kigutit nakorsaqaarsimasinnaapput.

2. Nunatsinni kigutileriviit namminersortut qassiuppat?**Akissut:**

Piffissami matumani kigutileriffik namminersortoq ataasiuvoq, taanna Nuummi inissisimavoq. .

3. Ilisimaneqarpa, Nunatsinni innuttaasut qassit, nammineq akilerlugu nunani allani kigutileritittarnersut?**Akissut:**

Naalackersuisut aamma Peqqinnissaqarfik nunatsinni innuttaasut nammineerlutik nunatsinni imaluunniit nunani allani peqqissutsimut tunngasunik katsorsarneqartartut amerlassusaat pillugit paasissutissaateqanngillat.

4. Naalackersuisut pilersaaruteqarpat, imaluunniit soqutiginnippat misissussallugu, innuttaasut Nunatsinni nunanilu allani, nammineerlutik akilikkaminnik kigutileritissimasut, aningaasartuutaasa ilaannik pisortat matuseqataasarsinnaanerannik?**Akissut:**

Namminersortunut peqqissutsimut tunngasunik aningaasartuutit tamakkiisumik imaluunniit ilaannakortumik aningaasaliiffigisarnissaannut Naalackersuisut piffissami matumani pilersaaruteqanngillat.

Namminersorlutik peqqissaanermik suliaqartut siaruarnerunissaannut tapersorsorneqarnissaannullu periarfissanik qulaajaasumik Naalackersuisut nassuiaammik suliamik aallartitaqarput. Pisortani peqqinnissaqarfiup aamma peqqissaanermik suliaqartut namminersortut akornanni suleqatigiittoqarsinnaanera pillugu aningaasaqarnikkut allaffissornikkullu sinaakutissanut politikikkut aalajangiinissamut nassuiaat tunngaviliissaaq. Nassuiaat Inatsisartut upernaakkut 2024-mi ataatsimiinneranni agguanneqarnissamut piareernissaat naatsorsuutigineqarpoq.

Partiit amerlanerit peqatigalugit Peqqissutsimut tunngatillugu isumaqatigiissusiortoqarpoq, taanna peqqinnissaq pillugu ataatsimiititaliarsuup innersuussutaanik suliaqarnissamut sinaakkusiivoq, kigutit peqqissusaannut tunngasoq ilanngullugu,

Peqqinnissaq pillugu Ataatsimiititaliarsuaq kigutigissuunissamut tunngatillugu annertuumik kivitsisoqarnissaa innersuussuteqarpoq. Nuup avataani pingaarnertut sulisussaaleqineq unammillernartuuvoq, Nuummilu kigutileriffimmi tiguisinnaassutsip killeqarnera unammillernartoqarpoq. Peqqissutsimut tunngatillugu kigutininut tunngasunik suliaqarfimmi ukiuni 5-10-ni tulluuttuni suliniutinut isumaqatigiissuteqartoqartoq ilisimatitsissutigineqarsinnaavoq:

Ukiut 5-it iluanni:

- Qitiusumik kigutileritittarfik nutaaq aqqutigalugu kigutileritissinnaaneq sanaartornermut immikkoortortaqarfimmut suliniutissat aallaavigalugit
- Sulisoqarnerulerneratigut nuna tamakkerlugu inersimasunut kigutigissaanerup annertusinera

Ukiut 10-t iluanni:

- Nuna tamakkerlugu meeqqat inuusuttullu 18-it inorlugit ukiullit kigutaasa narlorissarneri
- Nuna tamakkerlugu inersimasunik kigutigissaaneq

Inussiarnersumik inuulluaqqusillunga


Naaja H. Nathanielsen